

Ilinniagaqarnersiutit pillugit Namminersorlutik Oqartussat nalunaarutaat nr. 5, 27. marts 2015-imeersoq

Ilinniagaqarnersiutit pillugit Inatsisartut inatsisaat nr. 12, 22. november 2011-imeersumi § 2, imm. 5, § 5, § 14, imm. 4, § 28, imm. 2, § 34, imm. 5 aamma § 35, imm. 2 aamma kalaallit ilinniagaqartut kattuffiannut tusarniaareemikkut aalajangerneqarpoq.

Kapitali 1
Nassuiaatit

§ 1. Ilinniagaqarnissamut piareersarluni ilinniarnertit tassaapput:

- 1) Ilinniagaqarnissamut piareersarluni ilinniarnertit meeqqat atuarfianni inaarutaasumik misilitsinnermit qaffasinnerusumik inissisimasut.
- 2) Ilinniarnertuunngorniarnertit, ilinnianertuunngorniarnertit illassutitut ilinniarnertit aamma piareersarluni pikkorissarnertit.

§ 2. Inuussutissarsiutinut tunngaviusumik ilinniarnertit tassaavoq nikerarfiusumik ilinniarnertit, tassani sungiusaammik sulineq ilinniarfimmiinnerlu paarlakaajaatsinneqartarlutik.

Inuussutissarsiutinut tunngaviusumik ilinniarnertit imaraa tunngaviusumik ilinniartitsissutit, immikkoortumut sammisamut ilinniartitsissutit, immikkut sammisassatut ilinniartitsissutit kiisalu ilinniartitsissutit nammineq toqqarneqarsinnaasut, piumasaqaataallunilu lærlingisut isumaqatigiissusiorsimanissaq imaluunniit ilinniarnissamut isumaqatigiissuteqarsimanissaq, tamatumani qinnuteqartoq ilinniarfimi sungiusaammik sulisussatut tiguneqarsimappat, takuuk inuussutissarsiutinut ilinniartitsinerit aamma inuussutissarsiutinut ilinniartitsinerup iluani pikkorissarnertit pillugit Inatsisartut inatsisaat.

Imm. 2. Inuussutissarsiutinut ilinniarnertit allat tassaapput ilinniarnertit inuussutissarsiutinut ilinniarfimi atuagarsornikkut ilinniagaqarfiunerusut. Ilinniarnertit taakkunani suliffimmi sivikinnerusumik sivisussuseqartunik sungiusaammik sulinerit ilanngunneqarsinnaapput, takuuk inuussutissarsiutinut ilinniartitsinerit aamma inuussutissarsiutinut ilinniartitsinerup iluani pikkorissarnertit pillugit Inatsisartut inatsisaat.

Imm. 3. Nikerartumik ilinniarnertit, ilinnianertuunngorsimanermik assigisaanillunniit piumasaqaateqartut inuussutissarsiutinut tunngaviusumik ilinniarnertit runngillat.

§ 3. Ingerlaqqiffiusumik ilinniarnertit tassaavoq ilinniarnertit ilinnianertuunngorniarnertit ilinniarnertit angusisimanissamik piumasaqaateqarfiusoq, tassunga ilanngullugit ilinnianertuunngorniarnertit ilinniarnertit immikkut aaqqissuunneqartut imaluunniit inuussutissarsiutinut ilinniarnertit.

§ 4. Timersornermut immikkut piginnaanillit timersortartutullu piukkunnassuseqartut tassaapput ilinniagaqartut Elite Sport Greenlandimit aammalu timersuutinut kattuffinnit inner-

suussutaareerlutik Ilinniartitaanermut Naalackersuisoqarfimmit timersornermut immikkut piginnaanilittut timersortartutullu piukkunnassuseqartutut ilinniagaqartussatut akuerineqartut. Kalaallit Nunaanni Timersoqatigiit Kattuffiata timersuutit namminneq timersuutiminnut kattuffeqanngitsut sinniisuuffigisinnaavai.

§ 5. Iltersuisoq tassaavoq Kalaallit Nunaanni ilinniarfimmi ilinniagaqarnermut iltersuisartoq, ilinniarfimmi ilinniartitsisoq imaluunniit ilinniarfimmi iltersuinermik suliaqartut allat, imaluunniit Danmarkimi Kalaallit Illuutaasa ilaanni ilinniagaqarnermut iltersuisartoq. Aammattaaq Ilinniagaqarnersiuteqarnermut Naalackersuisoqarfik iltersuisartuusinnaavoq.

§ 6. Katissimasutut assingusumik inooqatigiinneq sivikinnerpaamik ukiumik ataatsimik sivisussuseqartoq najugaqarnermut uppersaatikkut uppersarneqartoq katissimanermut naligiissinneqassaaq.

§ 7. Ilaqutariit qaniginerpaasat tassaapput nammineq qitornarisat, katissimallugu aapparisaq, angajoqqaat, qatanngutit aamma aataakkut aanaakkulluunniit.

Kapitali 2

Ataatsimut aalajangersakkat

Piumasaqaatit immikkut ittut

§ 8. Ilinniagaqarnersiuteqarnermut Naalackersuisoqarfik tamassuminnga qinnuteqartoqareerneratigut danskisut innuttaassuseqarnissamik piumasaqaammit immikkut akuersisinnaavoq, takuuk ilinniagaqarnersiutit pillugit Inatsisartut inatsisaat, ilinniagaqarniarthoq ilaqutariinnikkut Kalaallit Nunaannut immikkut attaveqarpat, assersuutigalugu katissimaneq aqutugalugu imaluunniit ilinniagaqarniarthoq Kalaallit Nunaanni angajoqqaarpat.

§ 9. Ilinniagaqartup inuussutissarsiutinut tunngaviusumik ilinniarfimmi ilinniartunngortinneqarnermut atatillugu atuarfimmi sungiusaammik suliffissamik, akissarsiaqarfiusumik ilinniarfissamik imaluunniit tunngaviusumik ilinniareernerup kingorna akissarsiaqarfiusumik ilinniarfissamik allakkatigut neriorsorneqarsimanermik pissarsisimanissamik piumasaqaammit Ilinniagaqarnersiuteqarnermut Naalackersuisoqarfik immikkut akuersisinnaavoq, ilinniagaqartoq timersornermut immikkut piginnaanilinnut timersortartutullu piukkunnassuseqartunut ilaappat, takukkit § 4 aamma § 11, imm. 3, oqaaseqatigiit aappaat.

§ 10. Ilinniagaqartut ilinniagaqarnermik unitsitsigallartut, tassunga ilanngullugit erninermut atatillugu ilinniarnermik unitsitsigallartut, ilinniagaqarnersiuteqarsinnaanngillat.

Imm. 2. Ilinniagaqartut qiortartakkamik imaluunniit aningaasanik ilinniarnermi tunniunneqartartunik atuiunnaarallartut, piffissami atuiunnaarfiusumi tapiissutinik kapitalini 6 aamma 7-imi allassimasunik pissarsisinnaanngillat. Ilinniagaqarnersiuteqartunut qiortartakkanik imaluunniit aningaasanik ilinniarnermi tunniunneqartartunik nunguutsimasunut tamanna aamma atuuppoq.

Imm.3. Ilinniagaqartunut Naalagaaffiup ilinniagaqarnersiuteqartitsineranit aningaasanik ilinniarnermi tunniunneqartartunik pisartagaqartunut, kapitali 6-imi immikkut tapiissutinik taaneqartunit tapiissuteqartitsisoqarsinnaavoq, taamaattoq § 51 naapertorlugu, ilinniagaqarnersiuteqarsinnaanermut piumasaqaatinik naammassinnissimasunut, nalunaarut una naapertorlugu aammalu ilinniagaqarnersiutit pillugit Inatsisartut inatsisaat naapertorlugu.

Ilinniagaqarnermik ingerlatsineq

§ 11. Ilinniagaqarnermik ingerlatsineq imatut paasineqassaaq ilinniartup ilinniagaqarnerup ingerlanissaanut malittarisassat naapertorlugit ilinniarnermik aammalu misilitsinnernut soraarummeernnullu piumasarineqartunik malinninnera, suliaassiissutinik tunniussisussaanaera, takkuttussaataaernerik piumasaqaammik malinninnera il.il., imaluunniit misilitsinnerni soraarummeernnilu peqataannginnissamik nalunaarneq takkutinnitsoornerluunniit ilinniarfimmit akuerineqarpat. Ilinniagaqartoq uppersarsarneqartumik piffissami sivisuumi annertuumik naapparsimasoq, ilinniagaqartutut isigineqartarpoq ilinniagaqartoq misilitsinnissamut soraarummeernissamullu nalunaarutigineqarpat.

Imm. 2. Ilinniagaqarnermi ilinniarfimmut pinngitsoorani takkuttariaqarfiumngitsumi ilinniarnermi ilinniartoq qaammatit aqqaneq marluk sinnerlugit kinguaattoorsimanngippat ilinniagaqartutut isigineqassaaq. Aningaasat ilinniarnermi tunniunneqartartut imaluunniit qiortartakkat ilinniagaqarnermut atatillugu tunniunneqarsimasut akornanni assigiinngissutaasoq kinguaattoorneruvoq, taamatullu ilinniagaqarnermut maleruagassat atuuttut najoqqutaralugit ilinniagaqarnermi siuariartorneq qaammatinut uuttorneqartarluni, taamaattorli takuuk § 58, imm. 3, oqaaseqatigiit aappaat. Ilinniagaqartup ilinniarnermi qaammatini aalajangersimasuni amerlassusilinni aningaasat ilinniarnermi tunniunneqartartunik pisarnissamut qiortartakkanillu pissarsisinnaatitaalluni sivitsorsimappagu aningaasat ilinniarnermi tunniunneqarsimasut imaluunniit qiortartakkat atorineqarsimasut aningaasat ilinniarnermi tunniunneqarsimasunik imaluunniit qiortartakkanik atugaasimasunik naatsorsuineranut ilanngunneqassanngillat.

Imm. 3. Imm. 1-2-mi aalajangersakkat timersornermut immikkut piginnaanilinnut timersortartutullu piukkunnassuseqartunut atuutinngillat. Ilinniagaqartoq timersornermut immikkut piginnaanilinnut timersortartutullu piukkunnassuseqartunut piumasaqaatinik aalajangersakkanik naammassinnissinnaajunnaarpat Elite Sport Greenlandip ingerlaannaq Ilinniagaqarnersiuteqarnermut Naalakkersuisoqarfik nalunaarfigissavaa.

Imm. 4. § 20 malillugu ilinniagaqartoq kandidatinnngorniarnermi suli qiugassaqarpat, imm. 2, oqaaseqatigiit siullianni qaammatit aqqaneq marluk pillugit aalajangersakkamit

Ilinniagaqarnersiuteqarnermut Naalakkersuisoqarfik taassuminnga qinnuteqartoqareerneratigut immikkut akuersisinnaavoq, ilinniagaqartullu ilinniarnermik ingerlatsinera ilinniarfiup uppersassavaa.

§ 12. Ilinniagaqartup ilinniarnernik ingerlatsinera ilinniarfiup aamma Kalaallit Illuutaasa ingerlaavartumik nakkutigalugulu ilinniagaqartup ingerlatsinera pillugu aalajangiisarput.

Kapitali 3

Ilinniagaqarnersiutit suumeri annertussusaallu

Suumeri annertussusaallu

§ 13. Ukununnga aningaasanik ilinniarnermi tunniussisoqartarpoq:

- 1) Ilinniagaqarnissamut piareersaataasumik Kalaallit Nunaanni ilinniagaqartunut 18-it inorlugit ukiulinnut.
- 2) Ilinniagaqarnissamut piareersaataasumik Kalaallit Nunaanni ilinniagaqartunut 18-ileereersimasunut.
- 3) Kalaallit Nunaanni inuussutissarsiutinut tunngaviusumik ilinniagaqartunut sulisitsisumit aningaasarsiaqartinneqanngitsunut.
- 4) Kalaallit Nunaanni ingerlaqqiffiusumik ilinniagaqartunut, taamaattoq takuuk § 59.
- 5) Kalaallit Nunaata Danmarkillu avataanni ilinniarfinni ilinniagaqartunut.
- 6) Danmarkimi ilinniarfinni 20-it inorlugit ukiulinnut ilinniarnertuunngorniarfinni aamma inuussutissarsiutinut ilinniartitaanerni ilinniagaqartunut.
- 7) Danmarkimi ilinniarnertuunngorniarfinni ilassutitut ilinniarnermi § 16 naapertorlugu ilinniagaqartunut.
- 8) Piareersarfinni ilinniagaqartunut.

Imm. 2. Ilinniagaqartunut ilinniarnerminnut atatillugu akeqanngitsumik nerisaqartitaallutillu najugaqartitaasunut aningaasat ilinniarnermi tunniunneqartartuniit akiliitut nerisaqarnermut najugaqarnermullu ilanngaanneqartassapput, ilinniagaqartoq kollegiani najugaqanngippat 18-inillu inorlugit ukioqanngippat.

Imm. 3. Kalaallit Nunaanni ilinniagaqarnissamut piareersaataasumik ilinniagaqartut 18-it inorlugit ukiullit illoqarfigisap avataani kollegiani najugaqartut nerisaqarnissamulli periarfissaqanngitsut ullormulluunniit ataasiaannarlutik nerisaqartinneqarsinnaasut nerisassanut tapiiffigineqartarput.

Imm. 4. Ilinniagaqartoq imm. 1-imi pineqartut arlaanni allatut inissisimalerpat aningaasat ilinniarnermi tunniunneqartartut annertussusiat allanngortinneqassaaq piffissamit qinnuteqarfiusumiit, taamaattorli ulloq inissisimaffiup allanngorfia siusinnerpaamik aallarnerfigalugu.

Imm. 5. Ilinniagaqarnersiuteqarnermut Naalakkersuisoqarfiup ilinniagaqarnersiutit aningaasat ilinniarnermi tunniunneqartartut Namminersorlutik Oqartussaniit

ilinniagaqarnersiuteqartumut Kalaallit Nunaata aamma Danmark-ip avataani ilinniagaqartumut qaammatikkaartumik tunniunneqartartut qaffaavigisinnaavai, qaffaanissaq imaattunik tunngaveqarpat:

- 1) Nunani allani pisortanit piumasarineqarpat,
- 2) Ilinniagaqarfiusumit piumasarineqarpat,
- 3) Illoqarfimmi ilinniagaqarfiusumi inuuniarnermut aningaasartuutit immikkut qaffasissuseqarpata,
- 4) Aningaasat ilinniarnermi tunniunneqartartut nuunneqartarnerannut immikkut aningaasartuuteqarpat.

Meeqqanut tapit

§ 14. Ilinniagaqartoq meeqqanut 18-it inorlugit ukiulinnut pilersuisussaataappaat imaluunniit akilersuisussaataappaat meeqqanut ataasiakkaanut tamanut tapiissuteqartoqassaaq (meeqqanut tapit), ilinniagaqartoq Kalaallit Nunaanni Namminersorlutik Oqartussanit aningaasanik ilinniarnermi tunniunneqartartunik pisartagaqarpat, taamaattoq § 60 naapertorlugu, imaluunniit ilinniagaqarnermini akissarsiaqarpat inuussutissarsiutinut ilinniartitaanermik ingerlataqarnini pissutigalugu, sulisitsisualu tamatumunnga atatillugu ilinniagaqarnersiutinik pisartagaqarpat, akissarsiaritinneqartunut tapiissutisiatut, lærlingimik inuussutissarsiutinut tunngaviusumik ilinniartitaanernut, pikkorissartitsisarnernullu Inatsisartut inatsisaat naapertorlugu imaluunniit lærlinginut, Kalaallit Nunaanni sungiusaammik suliffeqartartunut Danmark-imilu atuarnerminnik ingerlatsisartunut tunngatillugu. Meeraq Kalaallit Nunaanni najugaqarpat Kalaallit Nunaanni akilersuutip nalinginnaasup assinganik tapiissuteqartoqassaaq. Meeraq Danmarkimi najugaqarpat Danmarkimi akilersuutip nalinginnaasup assinganik tapiissuteqartoqassaaq. Meeraq Kalaallit Nunaanni imaluunniit Danmarkimi najugaqanngippat Kalaallit Nunaanni akilersuutip nalinginnaasup assinganik tapiissuteqartoqassaaq.

Imm. 2. Ilinniagaqartup meeraq najugaqatiginngippagu meeqqanut tapeq pilersuisuusumut akilerneqartassaaq.

Imm. 3. Ilinniagaqartup meeraq pisortanit tamakkiisumik pilersorneqarpata ilinniartumut meeqqanut tapiissuteqartoqassanngilaq.

Imm. 4. Ilinniagaqartup piffissani qiortartakkanik atugaqannginnissamik aalajangiiffigisaani ilinniagaqartumut meeqqanut tapermik tapiissuteqartitsisoqassanngilaq, takuuk § 56.

Ilinniagaqarnermut akiliutit

§ 15. Ilinniakkani ilinniagaqarnersiuteqarfiusinnaasutut akuerisaasumi ilinniarnermi akiliutit tamakkiisumik matussuserneqassapput, taamaattorli takukkit imm. 2 aamma 3:

- 1) ilinniagaq assingusoq ilinniarnermi akiliutinik akiliuteqarnani malittarineqarsinnaanngippat, aamma
- 2) aningaasartuutit pisortat oqartussaasuinit allanit akilerneqarsinnaanngippata.

Imm. 2. Ilinniagaqarnersiuteqarnermut Naalakkersuisoqarfik ilinniakkani aalajangersimasuni ilinniartitaanermut akiliutissat pissutsit immikkut illuinnartut atuutsillugit ilaannakortumik matussuserneqarnissaannik aalajangiussaqaarsinnaavoq, tassungalu ilanngullugu:

- 1) ilinniakkamut pineqartumut Kalaallit Nunaat ilinniagaqarsimasunik pisariaqartitsippat,
- 2) allanit aningaasaleeqataanissaq pillugu isumaqatigiissuteqartoqarpat, imaluunniit
- 3) ilinniakkamut assigisaanut ilinniagaqarnersiuteqarfiusinnaasutut akuerisaasumi ilinniartoq tiguneqarsinnaanngippat.

Imm. 3. Ilinniagaqartoq suli qiugassaqaqarpat ingerlaqqiffiusumik ilinniarnerni ilinniarnermut akiliutit taamaallaat matussuserneqarsinnaapput.

Imm. 4. Kalaallit Nunaata avataani ilinniagaqarnermi ilinniarnermut akiliutinut annerpaamik kr. 60.000-inik tapiisoqarsinnaavoq. Ilinniagaqartunut ilinniagaqarnerup ingerlanerani immikkut qaffasissuseqartumik piginnaaneqarnermik takutitsisimasunut, tassunga ilanngullugit angusat - karakterit – aammalu piffissaq angusaqarnermut atorneqartoq eqqarsaatigalugit amerlassusilerneqareersup iluanni imm. 1-imi pineqareersut saniatigut aningaasartuutitut matussutissiisoqarsinnaavoq, nunarsuarmit ilinniarfiini pitsaasumik tusaamasaasunut tiguneqarnermut atatillugu. Ilinniagaqarnersiuteqarnermut Naalakkersuisoqarfik tulleriarisarnermut piumasaqaatinik pisariaqarpallu immikkut atugassarititaasunik aalajangersaasiinnaavoq, "www.sunngu.gl"-imi tamanut takusassiarineqartussanik.

Imm. 5. Ilinniakkanut sorlernut ilinniartitaanermut akiliutit taamaallaat ilaannakortumik matussuserneqartarneri ilinniakkanilu ataasiakkaani ilinniarnermut akiliutit matussuserneqartut qanoq annertutigineri pillugit "www.sunngu.gl"-imi tamanut saqqummiussisoqartarpoq.

Kapitali 4

Ilinniakkat assigiinngitsut

Ilinniagaqarnissamut piareersarluni ilinniarnerit

§ 16. Ingerlaqqiffiusumik ilinniagaqalernissamut ilinniarnertuunngorniarfimmi ilinniartitsissutit ataasiakkaat qaffasinnerunissaat pisariaqarpat, ilinniarnertuunngorniarfimmi ilassutaasumik ilinniarnerit tapiiffigineqarsinnaapput, ilinniartitsissutit ataasiakkaat ilinniartitsissutiginerisa malinnaaviginissaannik ilinniarnermut ilitsersuisumit ilinniagaqartoq ilitsersorneqarsimappat.

Imm. 2. Ilinniarnertuunngorniarfimmi ilassutaasumik ilinniarnerit tapiiffigineqarsinnaanngillat, ilinniagaqartoq ilinniartitsissutini soraarummeernermi 7-skala malillugu 02-mik qaangerluguluunniit karaktereqarpat, ilinniagassatut kissaatigisami ilinniartunngortinneqarnissamut qaffasinnerusumik karaktereqarnissaq qaffasissuserluunniit qaffasinnerusoq piumasaqaataanngippat.

Imm. 3. Taamaallaat ilinniartitsissummut ataatsimut ataasiaannarluni ilinniagaqarnersiuteqartitsisoqarsinnaavoq.

Inuutissarsiutinut tunngaviusumik ilinniarnert

§ 17. Inuussutissarsiutinut tunngaviusumik ilinniartitaanernut naammassisanut taamaallaat amerlanerpaamik marlunnut, suliamik ilinniagaqarsimasutut qaffasissuseqartunut ilinniagaqarnersiuteqartitsisoqarsinnaavoq. Taamaakkaluatorli ilinniarnermut saniatigut ataatsimut, suliamik ilinniagaqarsimasutut qaffasissuseqartumut qaffasinnerusumulluunniit aamma ilinniagaqarnersiuteqartitsisoqarsinnaavoq, tamatumani uku naammassineqarsinnaatillugit:

- 1) Ilinniarnermut pineqartumut ilinniartunngortinneqarsinnaanissamut piunasaqaatigineqarpat suliamik ilinniagaqarsimasutut qaffasitsigisumik ilinniagaqarsimasooernissaq.
- 2) Ilinniartitaaneq siusinnerusukkut ilinniagarisimasamut pissusissaatut nangitsineruppat, imaluunniit
- 3) Ilinniagaqaqqinnissaq pisariaqarsimappat inuussutissarsiutigerikkami sulisinnaannginneq pissutigalugu allamik ilinniartariaqarnermik.

Imm. 2. Ilinniagaqartoq suliamik ilinniarsimasutut qaffasissuseqartumik imaluunniit qaangerlugu ilinniagaqarsimasooq ilinniakkamut suliamik ilinniarsimasutut qaffasissutsip ataaniittumut ilinniagaqarnersiutinik pissarsisinnaanngilaq.

Imm. 3. Ilinniagaqarnersiuteqarnermut Naalakkersuisoqarfik imm. 1-imut aamma 2-mut pissutsit immikkut ittut apeqqutaatillugit immikkut akuersissuteqarsinnaavoq, tassunga ilanngullugit:

- 1) Ilinniagaqartup suliffeqarnissamut periarfissai killeqarpata, imaluunniit
- 2) ilinniakkamik qinnuteqarfiusumik ilinniarsimasunik Kalaallit Nunaat immikkut ittumik pisariaqartitsippat.

§ 18. Ilinniagaqarnersiuteqartitsisoqarsinnaanngilaq ukiut kingulliit tallimat ingerlanerini Danmarkimi inuussutissarsiutinut tunngaviusumik ilinniartitaanermik ataaseq sinnerlugu unitsitsisimasumut.

Imm. 2. Imm. 1 malillugu unitsitsinermut naatsorsuunneqanngillat sungiusaammik sulinissamut pissarsisimannginneq, ilinniagaqanngiffeqarneq, tassunga ilanngullugit naartunermi ernereermilu ilinniannngiffeqarallarneq uppenarsaateqarlunilu napparsimalluni peqannginneq pissutigalugit ilinniartitaanermik unitsitsigallarnert.

Imm. 3. Immikkut ittunik pissutissaqartillugu Ilinniagaqarnersiuteqarnermut Naalakkersuisoq imm. 1-ip atortinneqannginnissaanik immikkut akuersissuteqarsinnaavoq, tamatumani

- 1) ilinniartup suliffeqarnissamut periarfissai killeqarpata, imaluunniit
- 2) Kalaallit Nunaat ilinniarniakkamut qinnuteqarfiusumut ilinniarsimasunik immikkut ittumik pisariaqartitsippat, imaluunniit

3) unitsitsineq piffissap misiliinerup nalaani pippat.

Ingerlaqqiffiusumik ilinniarnertit

§ 19. Qiortartakkap iluani qiortartakkanik katillugit 82-inik (killissarititaq) tunisisoqarsinnaavoq, taamaattorli takukkit §§ 22-25.

Imm. 2. Ilinniagaqarnermut qiortartakkamik aaqqissuussinermit ilaasumut annerpaamik killissarititap aammalu qiortakkat atoreersimasat assigiinngissusaata amerlaqataannik qiugassanik tunniussisoqarsinnaavoq.

Imm. 3. Qiorsinerup ataatsip annertussuseraa qaammammumut ataatsimut aningaasat ilinniarnermi tunniunneqartartut meeqqanullu tapiutaasinnaasut, takuuk § 28.

Imm. 4. Ilinniagaqartumut ingerlaqqiffiusumik ilinniarnermik atuagarsornermik aningaasarsiaqarfigisamillu ilinniarnermut atatillugu suliffimmiinnermi sinnerseraaffiusumik naammassisaqarsimasumut, ilinniarnermi atuagarsornermut atugassat sinnerlugit qiugarisimasinnaasanik ilallugit ilinniagaqarfigisassatut atugassat assinginik qiugassanik killissarititamini ilanngaavigineqassaaq. Ilinniagaqartoq ilinniarnermi atuagarsornermut atugassarisap assinganut qiugassanik ikinnerusunik atugaqarsimaguni killissarititamini qiugassanik ilinniagaqarfigisassatut atugassat assinginik atorneqanngitsunik ilanngaavigineqassaaq. Ilinniarnerni taama ittuni unitsitsinermit taamaallaat qiugassanik tunniunneqareersimasunik killissarititaq ilanngaavigineqassaaq.

§ 20. Ilinniartitaanermut ataasiakkaanut piffissamut ilinniagaqarfiusussamut qaammatinut naatsorsorlugit qiugassanik tunisisoqassaaq, qiugassat 12-it tapiliutigineqarlutik (ilinniagaqarnerisuteqarsinnaanermi piffissaq), taamaattorli takukkit § 22, imm. 5 aamma §§ 23-25.

Imm. 2. Ilinniagaq ilinniagaqarnerisuteqarsinnaanermi piffissamut atatillugu bachelorinnngornissamut aamma kandidatinnngornissamut immikkoortoqarpat ilinniarnertut marluusutut naatsorsuutigineqartarpoq. Ilinniarneq bachelorinnngornissamut aamma kandidatinnngornissamut immikkoortoqarpat immikkoortunut tamanut qiugassat 12-it tapiliutigineqassapput, tamakkiisumillu killissarititap assigisaanik qiugassanik tunisisoqarsinnaavoq, taamaattoq § 22, imm. 1, oqaaseqatigiit siulliit naapertorlugit.

Imm. 3. Ingerlaqqiffiusumik ilinniarnerni atuagarsornermik aningaasarsiaqarfigisamillu ilinniarnermik paarlakaaffiusunut atatillugu ilinniartitaanermut ilinniarnertup atuagarsorfiunissaanut assingusumik, qaammatinut naatsorsukkamik, qiugassanik 12-it tikillugit tapiliutigineqartumik piffissaq tapiiffigineqarneq annertussuseqarpoq.

Imm. 4. Siusinnerusukkut ilinniagarisimasamit ingerlaqqilluni kingusinnerusukkut aallartinneqartumut naleqqiullugu ilinniakkami piginnaanernik pissarsiaqartoqarsimappat, ilinniakkami aallartinneqartumi tapiissuteqarnermit piffissami ilinniakkami pineqartumi piginnaaneqassutsit pissarsiarineqarfiini qaammatit amerlaqataannik qiortagassanik ilanngaasoqassaaq.

§ 21. Ilinniarnernut ataasiakkaanut atatillugu atuanggifteqarnermi akiliunneqarluni angalasoqarsinnaavoq, angalanissamut atasumik akiliunneqarluni angalasinnaanissamut piunasaqaatit naammassineqarsimappata, §§ 38-40 naapertorlugit.

Imm. 2. Atuanggifteqarnermi akiliunneqarluni angalasoqarsinnaavoq, takuuk § 38, aatsaat ilinniagaqartoq:

- 1) piffissap qinnuteqarfigisap nalaani qiortartakkanik pissarsisarpap, aamma
- 2) ukiumi ilinniagaqarnersiuteqarfimmi 1. april killigalugu minnerpaamik killissarititami qiugassanik ikinnerpaamik arfineq marlunnik sinneqarpap.

Imm. 3. Juullimut ilinniagaqanngiffeqarnermut atatillugu, § 40 naapertorlugu, akiliunneqarluni aatsaat angalasoqarsinnaavoq ilinniagaqartoq:

- 1) piffissami qinnuteqarfigisap nalaani qiortartagassanik pissarsisarpap, aamma
- 2) ukiumi tapiiffigineqarfimmi 1. november killigalugu qiugassanik minnerpaamik arfineq-marlunnik sinneqarpap.

§ 22. Piffissap ilinniagaqarfiusussap, takuuk § 19, imm. 1, tassunga ilanngullugit bacheloritut kandidatitullu ilinniarnert imaluunniit ilinniarnert assingusut, katillugit qaammatit 60-it sinnerpagit killissarititaq naapertuuttumik sivitsorneqarsinnaavoq. Ilinniakkamik taamatut ittumik ilinniartoq unitsitsippat killissarisap sivitsorneqarnissaa atorunnaarsinneqassaaq.

Imm. 2. Ilinniagaqartup qiugassanik aalajangersimasunik ilinniagaqarnersiuteqarni sivitsorsimappagu, takuuk § 19 imm. 1, taassuma assinganik qiortartakkamut killissarititaq sivitsorneqassaaq. Ilinniagaqartoq ilinniarnermik ilinniagaqarnersiuteqarfigisamik sivitsuivigisamik unitsitsiguni killissarititami sivitsuineri atunngisat assigisaannik qiortartakkat ilanngaatigineqassapput. Ilinniagaqartoq ilinniagarereersimasat ilanngunneqarnerisa nassatarisaannik piffissaq ilinniagaqarnersiuteqarfik sivikillineqarsimappat, takuuk § 20 imm. 4, killissarititaasumik sivikillisaasoqassanngilaq, takuuk § 19, imm. 1.

Imm. 3. Ilinniartoq nappaateqarneq uppersaavigineqartoq imaluunniit pissutsinik immikkut ittunik allanik pissuteqarluni ilinniakkaminik naammassinnissinnaanngippat, taamaattumillu ilinniarnermik nutaamik aallartitsilluni killissarititap sivitsorneqarnissaanik qiugassanik amerlanernik Ilinniagaqarnersiuteqarnermut Naalakkersuisoqarfik tamatuminnga qinnuteqartoqarneratigut tunisisinnaavoq, takuuk § 19, imm. 1. Killissarititami qiugassanik qanoq amerlatigisunik sivitsuisoqarnissaa Ilinniagaqarnersiuteqarnermut Naalakkersuisoqarfiup aalajangissavaa.

Imm. 4. Ilinniagaqartoq ingerlaqqiffiusumik ilinniarnermut Naalagaaffiup ilinniagaqarnersiuteqartitsineranit aningaasanik ilinniarnermi tunniunneqartartunik pissarsisimappat, killissarititat, takuuk § 19, imm. 1, qaammatinik SU-mit pissarsianik ilanngaavigineqassaaq.

Imm. 5. Ilinniagaqartut ilinniarnermut nangitsiviusumut, qiortartakkanik atuiffiusumut, unitsitseqqaaratik ingerlaqqittut ilinniakkamut nutaamut tiguneqarnerup uppersaavigineratigut ilinniagaqarnerup aallartinneqartup piffissarititaa tapiissuteqarfiusoq aallartiffigalugu

qiortartakkanik marlunnik tapiiffigineqarsinnaapput. Qiortartakkat nungappata ingerlaqqilluni ilinniarnermi piffissamit tapiiffiusumit qiortagassat tiguneqassapput. Ilinniakkat taakku marluk akornanni piffissami qiortartakkat tunniunneqassapput, piumasaqaataasinnaallunilu utertillugit akilerneqarnissaat, tamatumani ilinniagaqartoq qaavatigut ilinniagarisassaminik aallartitsinngippat.

Imm. 6. Ilinniagaqartoq eqqumiitsuliornermi, nipilersornermi kulturikkullu allatigut ingerlatsiviusumi ilinniagaqarnikoq ilinniarnernup naammassinerata kingorna ukioq ataaseq qaangiuttoq ilinniagaqarfigisamini suliffeqalinnngippat ilinniakkap allap tamassuma kingorna ilinniagaqartup aallartitaata naammassineqarnissaa siunertaralugu tamassuminnga qinnuteqartoqarneratigut killissarititaq ilaneqarsinnaavoq.

§ 23. Ilinniagaqartoq meerartaarnerminut imaluunniit qitornavissiarthaarnerminut atatillugu ilinniagaqarnersiutiminut qiortartakkamik tapiliussamik pisinnaatitaaffeqarpoq, tamatumani ilinniagaqartup meeraq najugaqatigippagu aammalu ilinniagaqanngikkallanngikkuni. Ermineq qitornavissiarthaarnerluunniit pippat ilinniagaqartup ilinniarnini naammassiniarlugu sungiusarluni sulinerani qiortartakkamik immikkut tunniussisoqassanngilaq.

Imm. 2. Anaanaasoq qiortartakkanik 12-nik tapiliutinik pisinnaatitaavoq.

Imm. 3. Ataataasoq qiortartakkanik 6-nik tapiliutinik pisinnaatitaavoq.

§ 24. Elite Sport Greenlandimit innersuunneqarluni Ilinniagaqarnersiuteqarnermut Naalackersuisoqarfimmit timersornermut immikkut piginnaanillit timersortartutullu piukkunnassuseqartut ilinniarnernup aallartinneranit akuerisaasut ilinniarnernullu ingerlanerani immikkut ittumik aaqqissuussamik Ilinniagaqarnersiuteqarnermut Naalackersuisoqarfimmit akuerisaasumik ingerlataqartut piffissamut ilinniagaqarnersiuteqarfiusumut qiortartakkanik saniatigut tunineqarsinnaapput.

Imm. 2. Ilinniarnernup immikkut ittumik aaqqissuussap sivissusissaatut ilimagineqartoq tunngavigalugu saniatigut qiortartakkanik qanoq amerlatigisunik tunisisoqarnissaa Ilinniagaqarnersiuteqarnermut Naalackersuisoqarfiup aalajangiiffigissavaa.

§ 25. Ilinniagaqartoq tamanna pillugu qinnuteqareerneratigut piffissamut ilinniagaqarnersiuteqarfimmut tapiliutitut qiortartagassamik saniatigut 12-it tikillugit tunineqarsinnaavoq ilinniagaqartoq ilinniakkamini kinguaattoorsimappat, makkuninnga uppersarneqarsinnaasunik pissuteqarluni:

- 1) ilinniarfiup aqutsisoqarfiani, ilinniagaqartut siunnersuisoqatigiiviini ilinniarfimmullu atasunut peqatigiiffinnut assingusunut peqataappat,
- 2) ilinniagaqartut inuttut imaluunniit ilinniagaqarnikkut atugarisaannut atatillugu suliaqarpat, imaluunniit
- 3) nammineq imaluunniit qaniginerpaasat nappaateqarnerinik toqunerannilluunniit pissuteqarpat.

Imm. 2. Ilinniagaqarnersiuteqartitaanermut piffissarisap iluani kinguaattoorneq pisimassaaq. Ilinniagaqartup ilinniarnermi qaammatit kinguaattoorfigisaasa qiortartakkat amerlaqatigai.

§ 26. Ilinniagaqartoq qiortagassat pinnginnissaanik qinigaqarsinnaavoq, takuuk § 55. Qiortagassat pinnginnissaat killissarititamik imaluunniit piffissamik tapiissuteqarfimmik allannguineramik nassataqassanngillat. Qiortagassat pinngitsuugassatut qinikkat ilinniagarisamut atorneqarsinnaapput, kingusinnerusukkullu qaammammut ataatsimut qiortartakkat ataatsimik ilallugit tunniunneqarsinnaallutik (marlunnik qiortagaqarneq).

Timersornermut immikkut piginnaanillit timersortartutullu piukkunnassuseqartunut ilinniartitsinerit immikkut aaqqissuussat

§ 27. Timersornermut immikkut piginnaanillit timersortartutullu piukkunnassuseqartut ilinniartitsinerit immikkut aaqqissuussani ilinniagaqarnersiuteqarsinnaapput, timersornermut immikkut piginnaanillit timersortartutullu piukkunnassuseqartut timersornertik pissutigalugu taperneqarsinnaasunik ilinniarnernik naammassinninnissamut periarfissaqanngippata.

Imm. 2. Timersornermut immikkut piginnaanillit timersortartulluunniit piukkunnassuseqartut ilinniagaqarnerat imatut katiterneqassaaq timersorneq ilinniagaqarnerlu katillutik tamakkiisumik piffissaq tamaat ilinniarnertut annertussuseqarlutik. Ingerlatsineq Elite Sport Greenlandimiit inassuteqaateqartoqareerneratigut Ilinniagaqarnersiuteqarnermut Naalakkersuisoqarfimmit akuerineqassaaq.

Kapitali 5

Aningaasat ilinniarnermi tunniunneqartartut meeqqanullu tapisiat naatsorsorneqartarnerat

§ 28. Ilinniakkanut qiortartakkanut ilaanngitsunut aningaasat ilinniarnermi tunniunneqartartut meeqqanullu tapisiat qaammatikkaartumik naatsorsorneqartarput. Ilinniagaqarnerup aallartinnerani, naammassinnerani, unitsinnerani aamma unitsikkallarnerani aningaasat ilinniarnermi tunniunneqartartut meeqqanullu tapisiat ullormut ilinniarfigisamut naatsorsorneqartarput. Ullormik aallartiffimmik naatsorsuinnermi pisariaqartitanik piffissat angalaffiit najugaqarfiillu ilanngunneqarsinnaapput. Ilinniarfiup sungiusaammillu suliffiup akornanni paarlaassinnermi atuarfimmiiinnermi ullut ilinniartitsiffiusut ataasiakkaarlugit aningaasat ilinniarnermi tunniunneqartartut naatsorsorneqartarput.

Imm. 2. Tamatumunnga qinnuteqaatip tiguineranit ullormit aallartittumit aningaasat ilinniarnermi tunniunneqartartut meeqqanullu tapit tunniunneqartarput. Meeraq tapisiaqarfiup nalaani inunngorpat meeqqanut tapisiat piffissamit inunngorfiusumit tunniunneqassapput ilinniagaqartoq meeqqanut tapisiat pillugit qinnuteqaammik piffissamit inunngorfiusumit qaammatit marluk qaangiutinnginnerini nassitsisimappat.

Imm. 3. Aningaasat ilinniarnermi tunniunneqartartut meeqqanullu tapisiat qaammatikkaartumik kingumoortumik tunniunneqartarput, qaammammiillu qinnuteqaatip tiguineqarfianit siusinnerpaamik aallartissinnaallutik, aammalu nalunaarummi

ilinniagaqarnersiuteqarnissamut piomasagaatinik ilinniagaqartup eqquutsitsinera apeqqutaatinneqarluni.

Imm. 4. Ilinniagaqartup piffissamit ilinniagaqarunnaarfigisaanit taamaalillunilu ilinniagaqarnersiutinik pisinnaatitaaffeerunnerani aningaasat ilinniarnermi tunniunneqartartut meeqqanullu tapisiat tunniunneqarunnaassapput. Ilinniagaqartup piffissami ilinniagaqaqqilerfianit akiliisarneq aallarteqqinneqassaaq.

Imm. 5. Ilinniagaqartup takkutinngitsoomerata malitsigisaanik aningaasat ilinniarnermi tunniunneqartartut aamma meeqqanut tapisiat annertussusaannik annikillisaasoqarsinnaanngilaq, takujulli § 30.

§ 29. Ilinniakkanut qiortartakkamut ilaasunut qaammatit ilivitsukkaarlugit qiortartakkat naatsorsorneqartarput.

Imm. 2. Ilinniagaqartoq ilinniarnermi aallartinnerani ilinniagaqartuunerullu nalaani qiortartakkanik pisinnaatinneqassaaq ilinniagaqartoq qaammatip akiliiffiusussap ulluisa 15-iat killigalugu ilinniagaqalersuusimaguni. Ilinniagaqartoq ilinniarnerep aallartinnerani ilinniagaqalerna qaammatip akiliiffiusussap ulluisa 15-iat qaangiutereersoq ilinniagaqalersuusimaguni allakkatigut qinnuteqaateqarnermigut qiortartakkani ataatsimik siuartitsivigisinaavaa, taannalu ilutigalugu killissarititaasunit ilinniagaqarnersiuteqarfiusinnaasumiillu ilanngaatigineqassalluni. Ilinniagaqartoq ilinniagaqarnerminik aallartitsinnerminut naammassinninnerminullu atatillugu ilinniagaqartuusimaneramik aalajangiiniarnermi naatsorsuutigineqassapput piffissat angalaffiullutillu akunniffiusarsimasut, ilitersorneqarnermik akuerisaasunik ingerlassat ilanngullugit.

Imm. 3. Qiortartakkat qaammatikkaartumik akilerneqartarput, ilinniagaqarnersiuteqarnissamillu qinnuteqaammik qaammammi tigusiiffimmit aallartinneqartarput, aammalu nalunaarut malillugu ilinniagaqarnersiuteqarnissamut piomasagaatinik ilinniagaqartoq naammassinnissimassalluni. Taamaattoq meeqqanut tapiissutit erninerup nalaanit tunniunneqarsinnaalertarput, tamatumani ilinniartoq ernereerermi kingorna kingusinnerpaamik qaammatit marluk qaangiutinnginneranni meeqqamut tapiissutisiaqarnissamik qinnuteqaateqarpat.

Imm. 4. Ilinniagaqartup piffissamit ilinniagaqarunnaarfigisaanit taamaalillunilu ilinniagaqarnersiuteqarnissamik pisinnaatitaaffeerunneranit qiortartakkat tunniunneqartarunnaassapput. Piffissaq taanna qaammammi ullut 15-iisa kingornaniippat qiortartakkanik akiliisarneq qaammammi tullinnguuttumi unitsinneqassaaq. Ilinniagaqartup piffissami ilinniagaqaqqilerfianit qiortartakkanik akiliisarneq aallarteqqinneqassaaq. Piffissaq taanna qaammammi ullut 15-iisa kingornaniippat qaammatip tullianiit qiortartakkanik akiliisoqaqqittalissaaq.

Imm. 5. Ilinniagaqartup takkutinngitsoomerata malitsigisaanik aningaasat ilinniarnermi tunniunneqartartut qaammatikkaartut aamma meeqqanut tapisiat annertussusaannik, qiortartakkap annertussuseqataanik, annikillisaasoqarsinnaanngilaq, takujulli § 30.

§ 30. Kommunalbestyrelsi kommunimi Piareersarfimmi ilinniartunut atatillugu aningaasanik ilinniarnermi tunniunneqartartunik annikillilerisinnaavoq, takuuk imm. 2, tamatumani pineqartoq ilinniartitsinissanut aalajangersakkanut imaluunniit sungiusaammik suliffiusunut, ilinniarsiup akuerisimannngisaanik orniguttanngippat imaluunniit kingusinaarluni orniguttarpat.

Imm. 2. Aningaasanik ilinniarnermi tunniunneqartartunik imm. 1 malillugu annikillilerineq, takuuk § 13, imm. 1, nr. 8 imaluunniit nr.2, naatsorsorneqassaaq qaammammut agguaqatigiissillugu nal. akunneri 173,3-nik agguarlugu, ilinniagaqarnersiutit nalinginut nalimmassarlugit. Tiimimut nalinga taamaalilluni § 13, imm. 1, nr. 8 imaluunniit nr. 2 malillugit aningaasat aalajangerneqartut 173,3-mik agguarlugit naatsorsorneqassaaq.

Kapitali 6

Immikkut tapiissutit

Ineqarneq

§ 31. Ilinniarnep aallartinneranut, unitsinneranut imaluunniit naammassinneranut atatillugu tamanna pillugu qinnuteqarnermi pissutsit immikkut illuinnartut atuutsillugit ilinniagaqartup ineqarallarnermut sap. akunneri pingasut tikillugit aningaasartuutit tamakkiisumik imaluunniit ilaannakortumik akilersissinnaavai, tassunga ilanngullugit:

- 1) angallannermi pissutsit tunngavigalugit ineqarallartariaqarpat, imaluunniit
- 2) ilinniartup nammineq inissarsiomera, imaluunniit ineqartuaannarnera imaluunniit allatut ineqarallarnernut pissutsinik ilinniartup pisuussutiginnngisaanik pissuteqartumik iluatsissimanngippat.

Imm. 2. Aningaasartuutitut ullunut ataasiakkaanut ullormut 70 kr.-nit sinnerlugit annertussuseqartunuinnaq akiliussisoqarsinnaavoq. Aningaasartuutit akiliussutigineqartut ilinniarnermi taarsigassarsiannngortinneqassapput, taamatullu ilinniagaqarnersiutit pillugit Inatsisartut inatsisaanni kapitali 4-mi aamma 5-imi maleruagassatut aalajangiussat naapertorlugit emialersorlugillu utertillugit akilersorneqassallutik.

§ 32. Ilinniagaqartut Kalaallit Nunaanni ilinniarnermi ilinniartut inaanni najugaqarfiup akiata assinganik ineqarnermut matussutissanik tamassuminnga qinnuteqartoqareerneratigut tapiiffigineqassapput,

- 1) ilinniarfimmiinneq qaammatit arfinillit inorlugit sivisussuseqarpat,
- 2) ilinniagaqartoq ilinniartut inaanni ineqartinneqaruni imaluunniit Ilinniagaqarnersiuteqarnermut Naalakkersuisoqarfiup innersuutigisaanut inissinneqaruni, aamma
- 3) ilinniagaqartoq namminerisamik inoqutigiinnik pilersuisuuppat, najugaqarnermik uppersaammik aamma attartuineramik isumaqatigiisummik akuerisamik,

piginneqatigiiffimmit uppersaammik imaluunniit piginnittuunermik uppersaammik uppersaateqaruni.

Akiliunneqarluni angalanerit

§ 33. Ukununga atatillugu akiliunneqarluni angalasoqarsinnaavoq:

- 1) ilinniagaqarnerup aallartinnerani, unitsinnerani, unitsinneqarallarnerani naammassineraniluunniit, takukkit §§ 35-36,
- 2) ilinniagaqarnermik unitsitsigallarnermi, takuuk § 37,
- 3) feeria, takukkit §§ 38-39,
- 4) juullimi atuannigiffeqarnermi, takuuk § 40,
- 5) ilinniakkamut attuumassuteqartumut ilinniarfimmi allamiinermi il.il., takuuk § 41, imaluunniit
- 6) napparsimasoqarnerani toqusoqarneranilu, takuuk § 42.

Imm. 2. Angalanermik akiliussisoqassanngilaq ilinniagaqartoq suliffimmini suliuunnaarluni imaluunniit suliffissamini sulilissalluni sulisitsisup akiligassaanik angalassappat.

Imm. 3. Aapparizat akiliunneqarlutik angalasinnaanngillat, takuuk § 6, kisiannili § 36, imm. 4-mi aamma § 40, imm. 3-mi 4-milu pisut taaneqartut pinnagit.

§ 34. Pisortatigut angallassinnermut periarfissat sapinngisamik akikinnerpaat atorneraranni bilitsimut angalatillunilu uninngasariaqarnermi aningaasartuutitut tamakkiisumik matussutissat akiliunneqarluni angalanermut ilaapput. Bilitsinik utertinneqarsinnaanngitsunik atuinngitsoqarsimatillugu, ilinniagaqartunut 18-it sinnerlugit ukiulinnut ilinniarnermut taarsigassarsitsisoqarsinnaavoq, tak. § 52, imm. 4, bilitsinik taartissamik pisinissamut. Ilinniarnermut taarsigassarsiat emialersorneqarlutillu akilerneqassapput ilinniagaqarnerisutit pillugit Inatsisartut inatsisaat kapitali 4-mi aamma 5-imi maleruagassat malillugit.

Imm. 2. Aqut alla atorlugu angalasoqarsimappat pisortat angallassisinnaanermik akuerisaannut akikinnerpaamut aningaasartuutit killigalugit matussusiiisoqassaaq. Aqummut pisortat angallassisinnaanermik akuerisaannik angallassisinnaaneq periarfissanngippat angalanertut akikinnerpaatut periarfissaasumut aningaasartuutit qaffasinnerpaaffigisinnaasaannik matussusiiisoqassaaq.

Imm. 3. Bilitsinik allannguinerne aningaasartuutit matussuserneqassanngillat.

Imm. 4. Taxarnermi, timmisartoqarfiup bussiinut aamma timmisartoqarfimmut qimuttuitsunut aningaasartuutit matussuserneqarsinnaanngillat.

§ 35. Ilinniagaqarnissap aallartinneranut atatillugu aalajangersimasumik angerlarsimaffimmiit illoqarfimmut ilinniarfiusussamut timmisartoqarfimmut, umiarsualivimmut imaluunniit qimuttuitsut unittarfiannut qaninnerpaamut pisortat akuerisaannik angallassiviusutut akikinnerpaaq atorlugu angalanermut akiliussisoqassaaq, taamaattorli takuuk § 34, imm. 4. Bacheloritut ilinniartitaanermik, imaluunniit ilinniakkamut

nangitsiviusumik, piareersarfiusumik ilinniareernerup, ilinniarnertuunngorniarluni ilassutitut ilinniareernerup naammassineranut imaluunniit bacheloritut ilinniartitaanermik naammassisaqareernerup sivitsuutigisaanik aallartitsinermi Kalaallit Nunaanni aalajangersimasumik kingullertut angerlarsimaffigisap aamma illoqarfiup ilinniarfiusup qaninnerpaamik timmisartoqarfiata, umiarsualiviata imaluunniit qimuttuitsut unittarfiata akornanni aqqummut akiliunneqarluni angalasoqassaaq pisattanik assartuinertaqanngitsumik, naak ilinniagaqartoq illoqarfimmi ilinniarfimmini aalajangersimasumik angerlarsimaffeqaannaraluortoq, taamaattorli takuuk § 34, imm. 4.

Imm. 2. Ilinniagaqarnerup naammassineranut atatillugu illoqarfimmiit ilinniagaqarfiusumiit ilinniarnepup aallartinnginnerani Kalaallit Nunaanni aalajangersimasumik najugaqarfimmi kingullermi mittarfimmut, umiarsualivimmuq qimutsuitsulluunniit unittarfiannut qaninnermut akiliunneqarluni angalasoqassaaq, takuulli § 34, imm. 4. Piffissap ilinniarnermik naammassiffiusup kingorna kingusinnerpaamik ukioq ataaseq qaangiuttoq angalasoqassaaq.

Imm. 3. Ilinniagaqarnermik unitsitsinermi unitsitsigallarnermilu illoqarfimmut ilinniarfiusumut naleqqiullugu timmisartoqarfiup, umiarsualiviup imaluunniit qimuttuitsut unittarfiata qaninnerpaap aamma ilinniagaqarnerup aallartinnerani Kalaallit Nunaanni kingullermik aalajangersimasumik angerlarsimaffiup akornanni akiliunneqarluni angalasoqassaaq, taamaattorli takuuk § 34, imm. 4. ilinniagaqarnerup aallartinneranut atatillugu illoqarfimmut ilinniagaqarfimmut akiliunneqarluni angalanissaq akuerineqarsimappat. Ilinniarnepup unitsinnerata unitsikkallarnerataluunniit kingorna kingusinnerpaamik ukioq ataaseq qaangiuppat angalasoqassaaq.

Imm. 4. Ilinniartitaanepup aqqissuussaanerata pisariaqartippagu, aammalu ilitersuisumit nikinnissaq allakkatigut akuerineqartillugu assigiinngitsuni ilinniarfinniinnerit, atuarfimmiinnerit aammalu ilinniarnepup atatillugu sungiusaammik suliffiit akornanni akiliussisoqarluni angalasoqassaaq.

Imm. 5. Ilinniagaqarnerisuteqarnermut Naalakkersuisoqarfik imm. 2, oqaaseqatigiit siulliannit immikkut akuersissuteqarsinnaavoq pissutsit immikkut ittut atuuppata, Kalaallit Nunaanilu ingerlavimmuq allamut akiliunneqarluni angalanepup, tassunga ilanngullugu ilinniakkap naammassineranut imaluunniit unitsinneranut atatillugu angerlamut aallalinnginnermi ilinniagaqartup illoqarfimmi uterfiginiakkatut qinnutigisami suliffittaarsimanera uppersarneqarsinnaappat, imaluunniit ilinniagaqartup ilaqutai qaninnerit illoqarfimmut allamut nuussimappata.

§ 36. Ilinniarnepup aallartinneranut, unitsinneranut, unitsikkallarneranut imaluunniit naammassineranut atatillugu ilinniagaqartumut angalanepup akiliussisoqartillugu meeqqanut 18-it inorlugit ukiulinnut angalanepup akiliussisoqarsinnaavoq, taamaattorli takuuk imm. 5, tamatumani:

- 1) meeraq ilinniagaqartumi najugaqartillugu,
- 2) meeraq ilinniagaqartup nammineq qitornarippagu, imaluunniit ilinniagaqartup aapparisaata qitornarippagu, takuuk § 6,

3) ilinniarneq imaluunniit ilinniarfimmiinneq qaammatit qulit sinnerlugit sivisussuseqarpat, aamma

4) ilaqutariinnut inissiisoqarneranik meeqqamullu paaqqinniffiusinnaasumik pissarsisimanermik uppersaasoqarsinnaappat.

Imm. 2. Ilinniarneq ilinniarfimmiinnerluunniit Kalaallit Nunaanni ingerlanneqartoq qaammatinit qulinit sivikinneruppat meeqqanut 18-nit inorlugit ukiulinnut akiliussilluni angalatitsisoqarsinnaavoq imm. 1, nr. 1, 2 aamma 4-mi piumasaqaatit eqqortinneqarpata, ilinniarfimit ilitsersuisartoq akuersisimappat.

Imm. 3. Ilinniartitaaneq ilinniarfimmiinnerluunniit Kalaallit Nunaata avataani, tassunga Danmarki ilanngullugu, pisoq qaammatinit qulinit sivikinneruppat meeqqat angalanermut akiliunneqarsinnaanngillat. Ilinniagaqarnerisuteqarnermut Naalakkersuisoqarfik tamanna pillugu, pissutsit immikkut ittut atuutsillugit immikkut akuersissuteqarsinnaavoq, tassunga ilanngullugu meeqqap ukioqassusiata (0-6-inik ukioqarnerata), inissaqarnikkut atugarisat aamma meeqqamik paaqqinnittoqarsinnaaneranik atugarisat pisariaqartippassuk.

Imm. 4. Ilinniagaqartup aapparisa, takuuk § 6, angalanermut akiliunneqassaaq meeqqat akiliunneqarlutik angalanissaat imm. 1 najoqqutaralugu akuerineqarsimappat.

Imm. 5. Ilinniagaqarnerup naammassineranut, unitsinneqarneranut imaluunniit unitsikkallar-neqarneranut atatillugu ilinniarfimmut meeqqat nassarneqartut, ilinniarnullu naammassinerani imaluunniit unitsinnerani 18-inik ukioqalereersimasut angalanermut akiliunneqassapput.

§ 37. Ilinniangiffeqarallarnermi, tassunga ilanngullugu naartunermi ernereernermilu ilinniangiffeqarallarnermi, angalanermut akiliussisoqassaaq:

1) ilinniangiffeqarallarneq ilinniarfimit akuerineqarsimappat,

2) ilinniangiffeqarallarneq qaammatit pingasut sinnerlugit sivisussuseqarpat,

3) ilinniangiffeqarallarnernup aallartinneraniit qaammatip ataatsip iluani angalaneq aallartinneqarpat, aamma

4) ilinniagarisap aallarteqqinnissaa siusinnerpaamik qaammammik ataatsimik sioqqullugu illoqarfimmut ilinniagaqarfiusumut utimut angalaneq aallartinneqarpat.

§ 38. Ukiup ilinniarfiusup iluani feeriamut atatillugu siumut utimullu angalanermut illoqarfiup ilinniarfigisap aammalu nammineq qitornarisat Kalaallit Nunaanni aalajangersimasumik najugaasa akornanni imaluunniit ilinniagaqartup angajoqqaarisalluunniit kingullermik Kalaallit Nunaanni aalajangersimasumik najugaasa akornanni akiliunneqarluni angalasoqarsinnaavoq. Tamannali atuutinngilaq ilinniagaqarneq ukiumi pineqartumi decembarip aallaqqaataa nallertinnagu naammassineqassappat. Utimut angalanissaq kingusinnerpaamik pissaaq ilinniagaqarnerup aallartinnissaanut atatillugu.

Imm. 2. Imm. 1 naapertorlugu akiliunneqarluni angalaneq Kalaallit Nunaanni najugaqarfissamut allamut angalanertut pisinnaavoq kingullermik aalajangersimasumik najugarisamut angalanermut aningaasartuutit ornitassamut aningaasartuutissat qaangersimanngippatigit.

Imm. 3. Imm. 1 aamma 2 naapertorlugit siumut utimullu angalatitsisoqartassaaq meeqqanut 18-it inorlugit ukiulinnut ilinniagaqartumilu najugalinnut ilinniagaqartullu pilersuisussaaffigisaanut.

Imm. 4. Bilitsit angalanissaq kingusinnerpaamik sapaatit akunneri sisamat sioqqullugit inniminnerneqassapput. Kingusinnerusukkut inniminniinermi aningaasartuutit annertuseriaatigisinnaasaat matussuserneqassanngillat.

§ 39. Ilinniagaqartut ilinniaqqinnissamut piareersaataasumik naammasinninnerminnut, iliniarnertuunngorniarluni ilassutitut ilinniarnermut imaluunniit bacheloritut ilinniarnermut atatillugu Kalaallit Nunaanni aalajangersimasumik kingullertut angerlarsimaffigisamut akiliunneqarlutik angalasinnaatitaasut, tak. § 35, imm. 2, oqaaseqatigiit pingajuat, aammalu Kalaallit Nunaanni aalajangersimasumik kingullertut angerlarsimaffigisap illoqarfimmut ilinniarfiusumut naleqqiullugu timmisartoqarfiup, umiarsualiviup imaluunniit qimuttuitsut unittarfiata qaninnerpaap akornanni angalanermut akiliunneqarsinnaatitaasut ilinniarnerminnik naammassisaminnut atatillugu ilinniarnermik nutaamik ingerlaqqillutik sivitsuisut, tak. § 35, imm. 1, oqaaseqatigiit aappaat, angalanernik pineqartunik nuussisinnaapput § 38 malillugu siumut utimullu angalanissanngorlugu. Nuussinermik nalunaaruteqartoqassaaq siumut-utimullu angalanissaq kingusinnerpaamik qaammatit pingasut sioqqullugit.

§ 40. Ilinniagaqartumut, qitornanut najugaqatiginngisaminut angajoqqaatut oqartussaassuseqartumut, meeqqat arlaata Kalaallit Nunaanni najugaata aalajangersimasup illoqarfiullu ilinniarfigisap akornanni juullimut siumut utimullu angalatitsisoqarsinnaavoq. Tamannali atuutissanngilaq ilinniagaqartup meeraq ilinniagaqarfiusumut ukiumi ilinniarfiusumi tassani ilagisimappagu, imaluunniit ilinniagaqartup ilinniarnini ukiup qaammatisiutai malillugit ukiup tulliani 1. marts nallertinnagu naammassissappagu.

Imm. 2. Meeqqat, aappaasoq pinnagu, takuuk § 6, illoqarfimmut ilinniarfigisamut ilagineqarsimappata ilinniagaqartoq meeqqallu siumut utimullu angalanissamut akiliunneqassapput aappaasoq aamma meeqqat ilaannut ataatsimut angajoqqaatut oqartussaassuseqarpat. Illoqarfiup ilinniarfigisap aammalu aappaasup aalajangersimasumik Kalaallit Nunaanni najugaata akornanni siumut utimullu angalanermut akiliussisoqassaaq.

Imm. 3. Illoqarfik ilinniarfigisap Kalaallit Nunaanniippat imm. 2 malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmut ilinniarfigisamut siumut utimullu angalanissamut akiliunneqarsinnaapput. Imm. 2 naapertorlugu angalanermut akiliunneqarsinnaasumut naleqqiullugu aningaasartuutit annertuseriaatigisinnaasaat matussuserneqassanngillat.

Imm. 4. Illoqarfik ilinniarfigisap Kalaallit Nunaata avataaniippat, tassunga Danmarki ilanngullugu, imm. 2 malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmut ilinniarfigisamut siumut utimullu angalanissamut akiliunneqarsinnaapput, ilinniagaqarnermi pissutsit immikkut ittut tassani atuuppata, tassunga ilanngullugit soraarummeernerit aamma immikkut sammisamik

suliaqarneq. Imm. 2 naapertorlugu angalanermut akiliunneqarsinnaasumut naleqqiullugu aningaasartuutit annertunerulersimappata matussuserneqassanngillat.

Imm. 5. Illoqarfimmi ilinniarfimmiinneq qaammatinit qulinit sivikinneruppat imm. 1-4 malillugit angalanermut akiliussisoqarsinnaanngilaq.

Imm. 6. Bilitsit aallannginnermit kingusinnerpaamik sapaatit akunnerit sisamat sioqqullugit inniminnerneqassapput. Kingusinnerusukkut inniminniisoqarneratigut aningaasartuutaanerusinnaasut matussuserneqassanngillat.

§ 41. Ilitsersuisumit inassuteqartoqareerneratigut Ilinniagaqarnerisuteqarnermut Naalackersuisoqarfik tamassuminnga qinnuteqartoqareerneratigut aalajangiisinnaavoq ilinniagaqartup angalanernut aningaasartuutigisariagaanut aammalu akunninnermut aningaasartuutigisariagaanut tamakkiisumik matussusiisoqarnissaanik, takukkit imm. 2-5 makkununga atatillugu:

- 1) ilinniagaqarnermik aaqqissuussinermi taaneqarsimasunik pinngitsoorani naammassisassanik pingaarnerusunillu naammassisassanik suliarinninnermi imaluunniit immikkut sammisaq pingaarnerusumilluunniit naammassisassamik suliarinninneq ilinniagaqarnermi pineqartumi immikkut pisinnaasaqarfiulerpat,
- 2) ilinniagassanut tunngasunik suliaqarluni qaammammit ataatsimit sivilisnerusumik suliamik sungiusarfimmiinnerni,
- 3) ilinniagassanut tunngasunik suliaqarluni ilinniarfimmi allamiinnermi, ilinniakkamut tunngatillugu pinngitsoorani ilinniarfimiittoqartussaappat ilinniagaqarnermullu aaqqissuussinermi taaneqarsimappat imaluunniit ilinniarfimmiinneq ilinniagaqarnermi pineqartumi immikkut pisinnaasaqarfiulerpat,
- 4) ilinniagaqalernissamut pinngitsoorani misilitsittussaanermi.

Imm. 2. Kalaallit Nunaanni Kalaallillu Nunaata avataani ilinniarfimmiinnermi aningaasartuutitut pisariaqartunut tapiissutit aalajangerneqassapput ilinniarfimmiinnermi qaammammut aningaasartuutitut procentinngorlugit, taamaalilluni ilinniarfimmiinnermi aningaasartuutit

- 1) kr. 4000 tikillugit 100%-imik matuneqassallutik,
- 2) kr. 4000 aamma kr. 10.000 akornanniittut 75%-imik matuneqassallutik, aamma
- 3) kr. 10.000 sinnerlugit 50%-imik matuneqassallutik, annertunerpaamilli kr. 10.000.

Imm. 3. Imm. 1-imi 2-milu aningaasartuutit taaneqartut tamarmik pisariaqartutut uppersarneqarsimassapput ilitsersuisumillu siumut akuerineqarsimassallutik. Tapiissutit annertunerpaamik semesterimut ataatsimut tapiissutigineqartassapput.

Imm. 4. Angalaneq taamaaliortoqarsinnaappat ukiumoortumik ilinniagaqannginnermi angalanermut atatillugu inissinneqassaaq, takuuk § 38.

Imm. 5. Paasisassarsiorluni angalanernut paasisassarsiornernullu tapiisoqarsinnaanngilaq.

§ 42. Ilinniagaqartup ilaqutaani qaniginerpaasaani napparsimaruluttoqartillugu toqusoqartilluguluunniit ilinniagaqartumut taassumalu meeraanut, ilinniagaqartumi najugaqarpata, angalanermut aningaasartuutit allanit matuneqarsimatinnagit akiliussilluni

angalatitsisoqassaaq. Akiliussilluni angalatitsisoqassaaq illoqarfiup ilinniarfiusup qaniginerpaasallu pineqartup najugaata akornanni siumut utimullu angalanertut.

Imm. 2. Aallarnissaq sioqqullugu nakorsap nalunaarutaatigut uppersarneqassaaq nappaat ima peruluutaatigisoq ilaqaatasut pisarnertut aggersarneqarlutik. Toqusoqarnera toqusup toquneranik uppersarsaatitut allagartap assigisaataluunniit nuutinneranik uppersarneqassaaq.

Imm. 3. Ilinniagaqartoq toquppat, illoqarfimmut ilinniarfiusumut atatillugu mittarfimmit, umiarsualivimmit imaluunniit qimutsuitsunut unittarfimmit, takujulli § 34, imm. 4, ilaqquttat najugaqarfiannut toqusup angallanneqarneranut tapiisoqassaaq.

Ilinniagaqarnermut atatillugu allamiinneq

§ 43. Ilinniagaqartup tapiiffigineqarsinnaasumik ilinniarnernut atatillugu ilinniagaareersumik nuussinermi Kalaallit Nunaata avataaniittoqarsinnaavoq, tassunga ilanngullugu Danmarkimi, tamakkiisumik ilaannakortumilluunniit tapiiffigineqarsinnaasutut Ilinniagaqarnermut Naalakkersuisoqarfiup akuersinnaavaa. Tamassuminnga qinnuteqartoqareerneratigut akuersisoqartassaaq. Ilinniagaqarnermut atatillugu allamiinnerup aallartinninnera kingusinnerpaamik qaammat ataaseq sioqqullugu qinnuteqaat Ilinniagaqarnermut Naalakkersuisoqarfimmut tunniunneqassaaq.

Imm. 2. Ilinniagaqarnermut Naalakkersuisoqarfik akuersinermut piomasqaateqarsinnaavoq, tassunga ilanngullugu assersuutigalugu paasissutissanik nassiussinissaq aamma assersuutigalugu tamakkiisumik ilaannakortumilluunniit nammineq akiliuteqarnermi, tassunga ilanngullugu ilinniagaqarnermi akiliutinit nammineq akiliuteqarnermi.

Pisattanik assartuisarneq

§ 44. Ilinniagaqarnerup aallartinneranut, unitsinneranut imaluunniit naammassineranut atatillugu angalanermut akiliussisoqarmissaa akuersissutigineqarsimagaangat, tamaattorli takuuk § 35, imm. 1, oqaaseqatigiit aappaat, pisattanik assartuinnermut akiliussisoqarsinnaavoq.

Imm. 2. Pisattanik assartuinnermut akiliussisoqarsinnaavoq:

- 1) ilinniagaqartunut qaammatit arfinillit sinnerlugit ilinniarfimiittussanut imaluunniit sungiusaammik suliffimmiittussanut, meeqqat akiliunneqarlutik angalanissaat akuersissutigineqarsimagaangat,
- 2) ilinniagaqartunut aappariinnut angalaqatigiittunut ilinniartup aappaanut, takuuk § 6, ilinniarnissaq qaammatinik 20-nik sivisunerusussatut naatsorsuutigineqarpat,
- 3) qaammatinit 20-nit sivisunerusumik ataannartumik ilinniareerluni angerlarnermut atatillugu, imaluunniit/aamma
- 4) pisattat ornigassamut angallanneqarnerannut akiliussisoqarsimatillugu, takukkit nr. 2 aamma 3.

Imm. 3. Ilinniagaqarnermik unitsitsisoqarallartillugu, tassunga ilanngullugit ilinniagaqarnermik unitsitsigallarneq pisattanik assartuinnermut akiliussisoqarsinnaanngilaq.

Imm. 4. Ilinniagaqartunut Kalaallit Nunaata Nunallu Avannarliit avataani ilinniagaqarnermi ilinniagaqarnermiuteqarnissamik akuerineqartunut pisattanik assartuinnermut akiliussisoqarsinnaanngilaq.

§ 45. Usinik umiarsuarmik angallassinermut akiliussinermi pineqartut tassaapput containeri ataaseq $5,46\text{m}^3$ -tut annertussusilik imaluuniit nassiussatut $5,46\text{m}^3$ -itut initutigisut angallanneqarnerat sillimaserneqarnerallu ilanngullugit, nassiussat ataatsit 100.000 kr.-it tikillugit sillimmasersimasut.

Imm. 2. Pisuni immikkut ittuni umiarsuartigut angallassinissaq ajornartillugu toqqortarinnikkallartitsinnermut aningaasartuutunik matussusiiisoqarsinnaavoq.

Imm. 3. Ilinniagaqartut Kalaallit Nunaannit allamukartut Kalaallit Nunaaliartulluunniit nassatanut akiliunneqarneranni puuiaaneq poortuinnerlu aningaasaliinnermut ilanngunneqartarput.

Imm. 4. Ilinniagaqartut aappariit, takuuk § 6, isorartoqatigiimmik angalasussat annerpaamik containerimut ataatsimut nassiussanulluunniit $5,46\text{m}^3$ -isut initutigisut akiliunneqarsinnaapput. Aappariit tamarmik ilinniakkanik tamarmik immikkut qaammatit 24-t sinnerlugit sivisussuseqartuni ilinniagaqarsimappata containerit marluk imaluunniit nassiussat katillugit $10,92\text{m}^3$ -isut initutigisut akiliunneqarsinnaapput.

Imm. 5. Ilinniagaqartut pingasunik amerlanernilluunniit meeraqartut containerit marluk imaluunniit nassiussanut katillugit $10,92\text{m}^3$ -isut initussuseqartunut akiliunneqarsinnaapput.

§ 46. Nassatanut akiliussisoqartillugu, taamaattorli umiarsuartigut assartuinnermi ajornartillugu, angalanermut akiliunneqartumut ataatsimut naammaginartumik uppersaasiinikkut ilinniarnernup aallartinnerani, unitsinnerani naammassinneraniluunniit timmisartukkat nassatanut 10 kg angullugu oqimaappallaarutaasunut aningaasartuutit utertinneqarsinnaapput.

§ 47. Pisattanik assartuinnermut akiliussisoqassanngilaq ilinniagaqartoq suliffimmini suliunnaarluni imaluunniit suliffissamini sulilissalluni sulisitsisup akiligassarisaanik pigisanik angallassissappat.

Immikkut atuarneq aamma katsorsartinnermut aningaasartuutit

§ 48. Kalaallit Nunaata avataani, tassunga Danmarkki ilanngullugu, atuarnernut tamakkiisumik matussusiiisoqartassaaq pineqartup ilinniagaqarnerani ilinniartitsissummut tunngasumut kalaallit oqaasiinik ilinniartitsinnermi immikkullu ilinniartitsinnermi pisariaqartumi peqataanermut aningaasartuutitut. Immikkut atuarnissamik pisariaqartitsineq ilinniartimmi ilitsersuisup inassuteqaataanik uppersaaserneqartassaaq.

§ 49. Kalaallit Nunaata avataani, tassunga Danmarki ilanngullugu, ilinniagaqartut nakorsamit uppersaaserneqartumik anigorsinnaangisaminnik nappaateqaraangata nakorsamit innersuunneqartunik nakorsaatinut aningaasartuutaat matussuserneqassapput.

Imm. 2. Kalaallit Nunaata avataani, ilanngullugu Danmarkimi, ilinniagaqartut nakorsamit innersuunneqartumik katsorsarneqarnermut aningaasartuutaat matussuserneqassapput.

Imm. 3. Kalaallit Nunaata avataani ilinniagaqartut, ilanngullugu Danmarkimi, pisariaqartumik kigutinik suliarititsisariaqaleriataarneranni aningaasartuutitut tamakkiisumik matussusiisoqartassaaq, suliaritinneq Ilinniagaqarneriuteqarnermut Naalackersuisoqarfimmit akuerineqarpat.

Imm. 4. Imm. 1-3 malillugit taamaallaat aningaasartuutitut matussusiisoqassaaq aningaasartuutit ilaannut pisortanit oqartussaasunit allanit imaluunniit sillimasiisarnermik aaqqissuussiffiusunit akilerneqanngitsunut.

Atuakkanut aningaasartuutitut tapiissutit

§ 50. Ingerlaqqiffiusumik ilinniarfinni ilinniagaqartunut ilinniagaqarnermi atuakkanik, paasissutissanik katersanik, allaatigisanit katersukkanik assigisaannillu pinngitsoorani pigisassanik pisinermut tapiisoqartarpoq. Ilinniagaqartup ilinniakkami sorlermi ilinniartunngortinneqarsimanera tapiissutit annertussusaannut apeqqutaavoq. Taamaalilluni tapiissutit immikkoortunut pingasunut tapiissutitut akilerneqartarpoq:

- 1) atuakkanut tapiissutit qaffatat
- 2) atuakkanut tapiissutit nalinginnaasut, imaluunniit
- 3) atuakkanut tapiissutit ilanngakkat.

Imm. 2. Ilinniagaqarnermi atuakkanut, paasissutissanik katersanut, allaatigisanit katersukkanut assigisaannillu pinngitsoorani pigisassanut aningaasartuutitut immikkut qaffasissunut tapiissutit immikkut qaffanneqarnissaannik Ilinniagaqarneriuteqarnermut Naalackersuisoqarfik aalajangiisinaavoq.

Imm. 3. Tapiissutit semesterit immikkut tamarmik aallartinneranni akilerneqartarput, atuakkanullu tapiissutit qaffatat kr. 1100-inik annertussuseqarput, atuakkanut tapiissutit nalinginnaasut kr. 600-inik annertussuseqarput aamma atuakkanut tapiissutit ilanngakkat kr. 200-nik annertussuseqarput.

Imm. 4. Tapiissutit immikkoortut pingasut imm. 1-imi taaneqartut ilinniakkanut ataasiakkaanut inissinneqarfii aamma ilinniakkat sorliit immikkut qaffatanik tapiiffigineqassanersut tapiissutillu taakku annertussusaat Ilinniagaqarneriuteqarnermut Naalackersuisoqarfiup "www.sunngu.gl" -imi ukiumoortumik avammut nalunaarutigisarpai.

Bussinut ilaanermut tapiissutit

§ 51. Tamatumunnga aningaasartuutit allaniit matussuserneqarsinnaangippata Kalaallit Nunaanni bussinut ilaanermut qaammatikkaartumik allagartamik pisinermut

ingerlaqqiffiusumik ilinniagaqartut aningaasartuutaannut tapiissuteqartoqarsinnaavoq, ilinniagaqartup najugaqarfigisaaniit ilinniagaqarfimmut aqquusernit minnerpaamik 5 km-inik takissuseqarpata. Angalanermut tapiissutit, qaammatikkaartumik tunniunneqartartut aningaasartuutiviusut 400 kr.-it sinnerlugit annertussuseqartut avataaniittunut matussusiissapput, taamaattoq annerpaamik 1500 kr.-it.

Kapitali 7

Ilinniarnermi taarsigassarsiat Nunatta karsianit aningaasalersorneqartut

§ 52. Taamaallaat taarsigassarsisitsisoqarsinnaavoq ingerlaqqilluni tapiiffigineqarsinnaasuni ilinniarnerni ilinniagaqartunut kapitali 2-mi 3-milu piumasqaatinik naammassinnissimasunut 18-inillu ukioqalereersimasunut. Ilinniagaqarnermi taarsigassarsiat ilinniartitaanerup nalaani ataasiaannartumik ukiup affakkaartumillu semesterimut taarsigassarsiatut tunniunneqartarput, taamaattorli takukkit §§ 53 aamma 54 aamma § 34, imm. 1, oqaaseqatigiit aappaat. Ataasiaannartumik taarsigassarsiat annertussusissaat ukiumoortumillu taarsigassarsiat amerlanerpaaffissaat aningaasanut inatsimmi takuneqarsinnaapput.

Imm. 2. Semesterimut taarsigassarsiat upernaami semesterimut ukiamilu semesterimut taarsigassarsiarineqartarput. Upernaami semesteri piffimmut 1. januaarimit 31. juuli tikillugu aammalu ukiami semesteri 1. aggustimit 31. decembari tikillugu naatsorsuutigineqartarput. Semesterimut taarsigassarsiat semesterip pineqartup naanerani tamakkiisumik atorneqarsimangitsut semesterip tullianut nuunneqarsinnaapput. Ilinniagaqartup tamassuminnga qinnuteqareernikkut semesterimi taarsigassarsiat qaammatikkaartumik pisarsinnaavai.

Imm. 3. Ataasiaannartumik allanik taarsigassarsisitsisoqaqqissinnaavoq pissutsit immikkut illuinnartut pissutaatillugit ilinniakkap allamik taarserneratigut imaluunniit ilinniakkamik allamik aallartitsinermi, tamatumani ilaallutik nuunnermut aningaasartuutigisanut aammalu inissiamut nutaamut aallaqqaatit akiliutinut.

Imm. 4. Ilinniagaqarnermi taarsigassarsisoqassaaq akiitsunut allagartaliusaaq Ilinniagaqarnerisuteqarnermut Naalakkersuisoqarfimmit akuerineqartoq atorlugu. Ilinniagaqarneq aallartinneqareerpat akiitsunullu allagartaq atsiorneqarnikoq Ilinniagaqarnerisuteqarnermut Naalakkersuisoqarfimmit tiguneqareerpat ilinniagaqarnermi taarsigassarsiat siusinnerpaamik tunniunneqarsinnaapput.

§ 53. Ilinniakkat 1. marts imaluunniit 1. oktober sioqqullugit naammassineqartut semesterimi pineqartumi taarsigassarsinissamat pisinnaatitaaffigineqanngillat. Naalagaaffiup ilinniagaqarnerisuteqartitsineranit ilinniagaqarnerisuteqartunut semesterimi taarsigassarsisitsisoqarsinnaanngilaq, taamaattoq § 34, imm. 1 oqaaseqatigiit aappaat naapertorlugit.

§ 54. Ilinniagaqartunut Kalaallit Nunaanni ilinniaqqinnissamut piareersartunut imaluunniit inuutissarsiutinut tunngaviusumik ilinniagaqartunut ilinniarnermi taarsigassarsisitsisoqarsinnaangilaq, taamaattorli takuuk imm. 3 aamma 4 aamma § 34, imm. 1, oqaaseqatigiit aappaat.

Imm. 2. Ilinniagaqartunut ilinniarnermi taarsigassarsisitsisoqarsinnaangilaq ilinniareernerup kingorna ilinniagaqarnermi akiitsugarilikkat ima amerlatigilersimassappata taarsersornissaat ajornartorsiutaalertussatut nalilerneqarlutik. Naliliinermi ilaatigut makku mianerineqassapput:

- 1) Ilinniareernermi naatsorsuutigisatut aningaasarsiat inissisimaffiannut naleqqiullugu akiitsugarisat amerlassusaat.
- 2) Ilinniagaqartup ilinniarnermi taarsigassarsiaminik naafferartumik akilersornissaasa qanoq sivisutiginnissaata naatsorsuutiginera.
- 3) Ilinniagaqarnermi taarsigassarsiat pillugit naafferartumik akilersuineramik aaqqissuussinermik ilinniagaqartoq siusinnerusukkut ingasattumik ilaginnaasimanersoq.

Imm. 3. Ilinniagaqarnermuteqarnermut Naalackersuisoqarfik imm. 1-imit immikkut akuerinnissinnaavoq pissutsit immikkut illuinnartut atuunnerini, tassunga ilanngullugu ilinniarnertuunngorniarluni ilinniarni piareersarfittut neqeroorutaasuni Ilinniagaqarnermuteqarnermut Naalackersuisoqarfimmit tapiissuteqarfiusinnaasutut akuerisaasuni ilinniagaqartut aallarniinermi aningaasartuutit uppersarneqartut matussusernerinut.

Imm. 4. 18-ileereersimallutik Kalaallit Nunaata avataani, tassunga Danmarki ilanngullugu, ilinniagaqarnissamut piareersaataasumik imaluunniit inuussutissarsiutinut tunngaviusumik ilinniagaqartunut ataatsikkut tigusassanik taarsigassarsisitsisoqarsinnaavoq.

Kapitali 8 *Allaffissorneq*

§ 55. Qinnuteqarnermi immersugassaq Ilinniagaqarnermuteqarnermut Naalackersuisoqarfimmit akuerineqartoq atorlugu Kalaallit Nunaanni ilinniagaqarnissamut ilinniagaqarnermuteqarnissamik qinnuteqaateqartoqassaaq. Ilinniagaqarnermuteqarnissamut qinnuteqaatinik suliarinninnermi suleriaasissaq Ilinniagaqarnermuteqarnermut Naalackersoqarfiup aalajangissavaa, taannalu "www.sunngu.gl"-imi avammut saqqummiunneqassaaq. Immikkut akuerineqarnissamik qinnuteqaatit Ilinniagaqarnermuteqarnermut Naalackersuisumut nassiunneqassapput.

Imm. 2. Ilinniagaqarnermuteqalernissamik qinnuteqaatit qaqugukkut tunniunneqareersimanissaat pillugit piffissaliussassat Ilinniagaqarnermuteqarnermut Naalackersoqarfiup aalangersarsinnaavai.

Imm. 3. Kommunini Piareersarfinni ilinniagaqarnermut atatillugu ilinniagaqarnermuteqarnissamik qinnuteqaatit kommunalbestyrelsimit aqunneqarput angusassat pillugit isumaqatigiissutit Namminersorlutik Oqartussat aamma kommunalbestyrelsip pineqartup akornanni isumaqatigiissutigineqartartut tunngavigalugit.

Imm. 4. Ilinniagaqarnersiuteqarnermut Naalakkersiusoqarfiup kommunini Piareersarfinni ilinniartut ilinniagaqarnersiuteqarsinnaasut amerlassusissaat ukiut tamaasa aalajangersartarpai. Ukiutum tulliuuttumut amerlassutsit aalajangiussat oktobarip qaammataa naatinnagu kommunalbestyrelsimut pineqartumut ukiut tamaasa nalunaarutigineqartassapput.

Imm. 5. Kommunalbestyrelsi imm. 3 malillugu qinnuteqaatit pillugit aalajangiisarpoq. Ilinniagaqarnersiutit kommunalbestyrelsimit akilerneqartassapput, taakkulu akiliussigallarnerup kingorna Ilinniagaqarnersiuteqarnermut Naalakkersuisoqarfimmit matussuserneqartassapput.

Imm. 6. Kommunalbestyrelsip ilinniagaqarnersiutit pillugit aalajangiinera, takuuk imm. 5, allaffissornikkut oqartussaasumut allamut suliaannagortinneqarsinnaanngilaq.

§ 56. Ilinniakkanut qiortartakkanut ilaasunut ilaanngitsunullu ilinniagaqartut ukiuni tamani qaammammumut ataatsimut arlalinnulluunniit ilinniagaqarnersiuteqannginnissaq toqqarsinnaavaat. Ilinniagaqarnersiuteqarnissamik qinnuteqannginneq ilinniagaqarnersiuteqannginnissamik toqqaanermut sanilliunneqassaaq. Ilinniagaqartoq qaammadini qassini ilinniagaqarnersiuteqannginnissamik nalunaaruteqarani ilinniagaqannginneriuteqannginnissaq toqqarpagu, tamassuminnga nutaamik qinnuteqarnissaq ilinniagaqarnersiutit akileqqittalermisannut piumasaqaataavoq.

Imm. 2. Ilinniagaqannginneriuteqannginnissamik qinnuteqaat qaammammi akiliiffiusumi ullut 15-ianni ilinniarfimmi ilitsersuisup tigoreersimassavaa. Ilinniagaqarnersiutit akilerneqartarnerisa aallarteqqinneqarnissaat pillugu qinnuteqaat qinnuteqaat qaammammi akiliiffiusumi ullut 15-ianni ilinniarfimmi ilitsersuisup tigoreersimassavaa.

Kapitali 9

Atuutilersitsinermut, ikaarsaariarnermut atorunnarsitsinermullu aalajangersakkat

§ 57. Nalunaarut ulloq 1. april 2015 atuutilerpoq. Tassunga peqatigitillugu Ilinniagaqarnersiutit pillugit Namminersorerullutik Oqartussat nalunaarutaat nr. 21, 13. december 2012-imeersoq atorunnaarsinneqarpoq.

§ 58. Ilinniagaqartut Namminersorerullutik Oqartussanit ilinniagaqarnersiuteqarlutik 1. august 2005 sioqqullugu ingerlaqqiffiusumik ilinniagaqarsimasut tassunga killissarititami ilinniakkap naammassisap kingulliup ilinniarfiginissaanik sivissususiata assinganik qiortartakkanik ilanngaavigineqassapput, taamaattorli takuuk imm. 4. Ilinniagaqarneq bachelorinnngornissamut aamma kandidatinnngornissamut immikkoortoqartoq ilinniagaqarnertut ataatsit matumani isigineqassaaq. Ilinniagaqartoq Namminersorerullutik Oqartussanit ilinniagaqarnersiuteqarluni 1. august 2005-imi ingerlaqqiffiusumik ilinniagaqarnermik aallartitsisimappat, ilinniakkamut naammassisamut killissarititami qiortartakkanik ilanngaavigineqassanngilaq.

Imm. 2. Ilinniagaqartut Namminersorerullutik Oqartussanit ilinniagaqarnersiuteqarlutik 1. august 2005 sioqqullugu ingerlaqqiffiusumik ilinniagaqarnermik unitsitsisimasut killissarititami qiortartakkanik ilanngaavigineqassanngillat. Qaffasinnerusumik ilinniagaqartoq 1. august 2005-imi kingusinnerusukkulluunniit aallartitaanut naleqqiullugu ilinniakkami unitsissimasamini piginnaaffeqarfinnik pissarsisimappat ilinniakkap aallartinnerani piffissami tapiissuteqarfiusumi killissarititamilu qiortartakkanik ilinniakkami pineqartumi piginnaaffeqarfinnik pissarsiffiusunut qaammatinut aalajangersimasunut ilanngaasoqassaaq.

Imm. 3. Ilinniagaqartut Namminersorerullutik Oqartussanit ilinniagaqarnersiuteqarlutik 1. august 2005-imi ingerlaqqiffiusumik ilinniagaqartuusut killissarititami ilinniakkap maannakkut inissisimaffiani ilinniarfiginissaanik sivissususiata assinganik qiortartakkanik ilanngaavigineqassapput, taamaattorli takuuk imm. 4. Ilinniagaqarneq bachelorinngornissamut aamma kandidatinnngornissamut immikkoortoqartoq ilinniagaqarnertut ataatsitut matumani isigineqassaaq. Tamanna ilutigalugu ilinniakkami ingerlanneqartumi piffissaq ikiorsiissuteqarfiusoq sivitsorneqassaaq, aningaasanik ikiorsiissuteqarfiusup ilinniagaqarnerullu sivissusutsimikkut inissisimaffiisa akornanni qaammatit amerlassusiisa assigiinngissutaannik qiortartagassat amerlassusilerlugit. Piffissamut sivissusussat inissisimaffimmut ilinniagaqarnerup maannakkut inissisimaffia siuarsimaneruppat ilinniagaqartup ilinniarnermi nalaani aningaasanik ikiorsiissutisiaqarsimanera qaammatit amerlassusiannut assingutillugit killissarititami qiortartagassat tunniunneqassapput, taamaattorli takuuk imm. 4, taamaalineranilu piffissaq ilinniagaqarnersiuteqarfiusoq allannguuteqassanngilaq.

Imm. 4. Ilinniagaqartut ilinniarnermik nalaani piffissami ilinniagaqarnersiuteqarnerminni 1. august 2005 sioqqullugu meerartaarsimasut tamatuma nassatarisaanik killissarititami qiugassanik aqqaneq-marlunnik aammalu piffissami tapiissuteqarfiusumi meeqqanut tamanut tunineqassapput. Tamanna taamaallaat atuutissaaq ilinniagaqartup 1. august 2005 ilanngullugu meeraq inooqatigisimappagu, aammalu tamatumunnga ilinniagaqarnersiutit pillugit Namminersorerullutik Oqartussat nalunaarutaanni nr. 3, 6. februar 1998-imeersumi § 19, imm. 1 malillugu aalajangersakkat naapertorlugit ilinniagaqarnermik malinnaasimaguni. Tamatuma kingornatigut ilinniagaqartup ilinniarnini unitsippagu killissarititami ilassuteqarfimmi atugaanngitsut assinginik qiugassat ilanngaatigineqassapput.

§ 59. Ilinniagaqartunut tapiiffigineqarsinnaasunut 1. januar 2013 sioqqullugu tapiiffigineqarsinnaasumik ingerlaqqiffiusumik ilinniakkamik Danmarkimi aallartitsisimasunut, aammalu 1. januar 2013-ip kingorna suli ilinniakkaminnik ingerlatsisunut aningaasanik ilinniarnermi tunniunneqartunik tunniussisoqarsinnaavoq, takuuk § 13, danskit ilinniagaqarnersiuteqarnermut malittarisassaat naapertorlugit qiortartakkat nungussimagunikkit. Piumasaqaatit § 14-imiittut naammassisineqarsimappata ilutigisaanik meeqqanut tapisianik pisartagaqartit-sisoqarsinnaavoq.

Imm. 2. Imm. 1 malillugu aningaasat tunniunneqartartut meeqqanullu tapit annerpaamik qaammatinut aqqaneq marlunnut tunniunneqarsinnaapput.

Imm. 3. Ilinniagaqartunut ilinniagaqarnersiuteqarsinnaasunut, 1. januar 2013 sioqqullugu ingerlaqqiffiusumik ilinniakkamik tapiiffigineqarsinnaasumik Danmarkimi aallartitsisimasunut, aammalu 2013-imi januarip aallaqqaataata kingorna unitsinnagu ilinniakkaminnik sulii ingerlatsisunut, ilinniakkanut siunnersortiminnut qinnuteqarnermikkut ilassutitut qiorsinernik aqqaneq marlunnik pissarsisinnaapput, § 25, imm. 1, nr. 1 aamma 2 naapertorlugit pissutaasut tunngavigalugit, imaluunniit ilinniagaqartup ilaqutaani qaninnerni nappaammik ilungersunartumik aqqusaagaqartoqarsimappat toqukkulluunniit qimaguttoqarsimappat.

§ 60. Meeqqanut tapisiaqartitsisoqarsinnaavoq, takuuk § 14, ilinniagaqartunut tapiiffigineqarsinnaasunut Danmarkimi najugaqartunut, 1. januar 2013-imi Naalagaaffiup ilinniagaqarnersiuteqarfianiit, Statens Uddannelsesstøtte, ilinniarnermi aningaasanik pisartagaqarlertunut, ilinniagaqartoq pilersuisutut tapisianik danskit ilinniagaqarnersiuteqarnermut malittarisassa at naapertorlugit tapisiaqarsinnaatitaanngippat.

Imm. 2. Ilinniagaqarnersiuteqarnermut Naalakkersuisoqarfik qinnuteqartoqarnera tunngavigalugu meeqqanut tapisiaqartitsisinnaavoq ilinniagaqarnersiuteqarnissamut pisinnaatitaasumut Danmark-imi ilinniagaqartumut, taanna 1. januar 2013-imi Naalagaaffiup ilinniagaqarnersiuteqarfianut, Statens Uddannelsesstøttemut nuuppat, ilinniagaqartorlu pilersuisutut tapisianik annikinersunik pissarsiaaqqartinneqarpat, takuuk § 14. Meeqqanut tapisiat annertussuseqassapput pilersuisutut tapisiasat ilinniagaqartullu meeqqanut tapisiasaraluisa assigiinngissutaannik.

§ 61. Ilinniagaqartut tapiiffigineqarsinnaasut, 1 januar 2013 sioqqullugu ilinniakkamik tapiiffigineqarsinnaasumik Danmarkimi aallartitsisimasut, aammalu 1. januar 2013-ip kingorna unitsinnagu ilinniakkaminnik ingerlatsisut, Ilinniagaqarnersiuteqarnermut Naalakkersuisoqarfimmut qinnuteqarnermikkut ilassutitut ilinniagaqarnersiutinik Namminersorlutik Oqartussaniit tapiiffigineqarsinnaapput, ilinniagaqartup aningaasat ilinniarnermi tuniunneqartartunut danskit ilinniagaqarnersiuteqartitsinermut malittarisassaannut nuunnermi kingorna ajornerusumik pineqannginnissaa siunertaralugu.

Imm. 2. Ilinniagaqarnersiutit ilassutaasut, imm. 1 naapertorlugit, taamaallaat annertussuseqarsinnaapput ilinniagaqarnersiutit danskit ilinniagaqarnersiuteqarnermut malittarisassa at naapertorlugit pisinnaatitaaffigisaasa aammalu ilinniagaqarnersiutit sulii Namminersorlutik Oqartussat stipendiumitut tunniussinnaasaasa assigiinngissusiattut.

§ 62. Aalajangersakkat maannamut atuuttut malillugit qularnaveeqqusiissuteqarnermi pisussaaffiit atuuffissamik naanissaata tungaanut atuutiinnassapput piumasarisaasut allanngortinnagit.

Imm. 2. Qularnaveeqqusiissuteqarnermi pisussaaffiit 1. januar 1997 sioqqullugu akilerneqartut aalajangersakkat maannamut atuuttut malillugit ernialersorneqassapput.

Imm. 3. Qularnaveeqqusiissuteqarnermi pisussaaffiit 1. januar 1997 kingoqqullugu akilerneqartut akiliinerup kingorna ullormit aallartittumit ernialersorneqalissapput. Sukkulluunniit akiitsuusut ukiumoortumik ernialersorneqassapput pisortat sukkulluunniit diskontoata 5%-imik ilasap angeqataanik ernialersorlugit. Ernialiineq ukiut tamaasa 31. december piffissamiluunniit ilinniagaqartup akiitsuunik akiliinerani pisassaaq.

Namminersorlutik Oqartussat, ulloq 27. marts 2015



Nivi Olsen



Mikael Kristensen